

來。頭一個緣故。在此苦難中。正可藏心內之平和。又一個緣故。國家有遺艱投大之舉。果能不辱君命。則君與臣。均有榮施。今天主許此苦難到汝之身。汝能以平和迎受。不辱天主之命。非天主之光榮耶。非汝靈魂之大益耶。窮人仰賴富人。尚以有事爲榮。我們仰賴天主。得此大造化爲何。反畏懼而不前。

當務之求 爲婦人女子

祝文 吾主天主。爾特賜聖后瑪加利大憐貧之心。極純極熱。懇祈吾主。因其功績。及其遺表。使我等純心仁愛。矜恤困窮。爲爾子耶穌基利斯督。亞孟。

○十一日

聖巴爾納伯 宗徒

警言

以世界爲海。以聖教爲舟。以痛悔爲帆。以十字爲舵。以寵愛爲風。以我等主耶穌爲舟師。金口聖人若望

聖傳

聖巴爾納伯。祖籍如德亞國。因父徙居知伯肋島。始娶婦而生聖人。孝親敬長。著績成童。好學深思。本來智睿。往遊協路撒稜。受業於加瑪禮名師門下。遂與保祿宗徒同學。此卽後來引晤之基。時值耶穌廣傳教化。將入是城。聖人



隨眾郊迎。瞻仰之餘。感慕日深。繼哈耶穌諭人精修之始。當鬻產濟貧。以聚仁親之真寶。毋留易朽之世財。遂決志歸家。遵諭而行。家產已銷大半。及耶穌升天後。又盡其所。有。變價哀矜。諸宗徒見聖人力行篤信。不比尋常。容入聖門。准爲同列。從此愈圖報効。除自治增工之外。更以愛人爲急務。每思保祿才品出羣。留心招引。奈習於古教。固執不從。幸蒙耶穌顯容訓誨。遂列聖宗。仰惟二聖。既同學於幼年。復同門於聖教。相得益彰。樂莫大焉。嗣因各徒分行天下。卽以聖人。派往諸弟阿大郡。授徒設教。後周流厄日多國。及立山府等處。越數年。仍回諸弟阿以安徒眾之心。

未幾出訪保祿宗徒。相遇於大爾西郡。遂同歸諸弟阿共居一載。舊時徒眾。工夫愈加精密。新進之人。不可勝數。各郡之中。此郡最爲隆盛。旣而諸宗徒。期赴協路撒稜會議。教中公務。二聖亦往焉。事竣。各自就途。聖人由水路。至本鄉知伯肋島。勸化鄉鄰。引歸正道。繼往羅瑪都城。面晤同門諸友。隨赴米郎地方。七年。又回知伯肋。再圖加意作新。及是時。如德亞之客商駢集。勤施聖化。信者甚多。邪眾怒其害已。密遣奸人。致死以絕之。聖人預知其惡。明諭門徒曰。吾終期已近。害我之人卽至。彼雖秘密。我早知之。因不敢負天主之命。故甘心赴難。勿避勿辭也。爾等毋以我爲



憂懼。吾知爾等日後亦必被惡徒殘害。若到志靡力弱時。須切記暫苦不過須臾。永賞必至無窮等語。門徒莫不悲痛淚零。聖人舉行大禮。求主降恩普世。禮畢。向一門徒云。今日係我終世之日。我死後。爾等不必葬我。即往謁保祿宗徒。聽其指示可也。辭往別所。講道勸人。羣惡驟來。初則拘拿毒打。終以亂石擊之。迨生氣全無。即投入火中。天主特命天神。去薪滅火。毫髮不傷。門徒亟收葬而去。時天主降生後六十一年。凡疾病凶荒之患。詣墓禱求。多蒙聖佑。嗣因人民星散。墓跡無踪。聖人特明示於司教。屢顯靈奇。國王加禮欽崇。起建大殿。以遂衆人之瞻仰。

宜行之德 自聖其業

聖思 一。世業世藝中。難免地獄。因常有犯罪的主張。即聖教聖業中。亦難保天堂。因地獄中。也有拜主之人。故不該完全倚靠教之聖業之聖。只該倚靠耶穌之功勞。聖教聖業之所以爲聖。而自聖其業。斯可以免地獄而保天堂。今汝所行之事業。聖耶。否耶。 一。人的本分。各各不同。做官的。與士庶人不同。修道的。與世俗人不同。苦修的。與傳教人不同。惟自聖其業者。能自想本業的本分何在。即此本分以合天主之意。有規矩。必按規而守。無則盡心遵守。十誡。併問本神父。該何如而行。小心順從之。自然無業不



聖。一。該想從前與你同業之聖人。求為主保。奉之為師。亦有大德聖人。行汝世業之事者。汝若隨其德行。即係汝現在的表樣。必蒙幫助之恩。汝會如此否。

當務之求 為外教人

祝文 懇求全能天主。因爾聖巴爾納伯之功績。樂我等。恭敬其慶辰。望其轉達。俾我能得聖寵。永享常生。為爾子耶穌基利斯督。亞孟。

○十二日

聖巴西理德聖濟理諾聖納博爾聖納撒略 致命

警言

愛己之私愛。其害最毒。較世間他毒尤甚。輕世金書

聖傳

天主降生後三百三年。致命之聖甚多。今因四聖人致命之日。而傳其大概焉。四聖人。一名巴西理德。一名濟理諾。一名納博爾。一名納撒略。皆居武職。歷建勳名。國家甚器重之。其神勇赤心。恭敬天主。更比眾不同。若此行不合聖教。即毅然拒絕。不顧身家。似此中正剛方之德。實足以扶